

光緒山西通志

府州廳縣考七 考一之七 山西通志第二

卷九

張旆 卽兼都察院右副都御史 巡撫山西提督軍 卽張旆奉旨蓋修

雁平道二

甯武府 忻州 代州 保德州

甯武府 簡缺

禹貢冀州之域夏商並同大同府周并州北界樓煩國戰國屬趙秦雁門郡地漢爲雁門郡樓煩及陰館埒馬邑諸縣地兼得太原郡汾陽北境並西河郡之東境後漢雁門郡自善無徒治陰館當句注陁北又兼郡屬之武州縣地魏黃初元年郡徙陁南諸縣並廢

史記匈奴傳晉北有林胡樓煩之戎案王會圖趙世家惠

文王二年主父行新地遂出代西遇樓煩王於西河而致

其兵

戴氏震曰當在甯武府偏關之外

漢書地理志雁門郡秦置縣十

四樓煩有鹽官應劭曰故樓煩胡地

水經汾水出太原汾陽縣北管涔山注十三州志曰出武

州之燕京山亦管涔之異名也汾水又南逕汾陽縣故城

東川土寬平峒山夷水地理志曰汾水出汾陽縣北山西

南流者也

案汾陽故城在今嵐縣南三十里

又灤水出雁門陰館縣注

灤水出於累頭山一曰治水泉發於山側沿波厯澗東北

流出山逕陰館縣故城西縣故樓煩鄉也漢景帝後三年

置灤水又東北流左會桑乾水縣西北上平洪源七輪謂

之桑乾泉卽潦涓水者也耆老云其水潛通承太原汾陽

縣北燕京山之大池池在山原之上世謂之天池

案灤水今恢河

自府東北二十里陽方口出山陰館故城在朔州東南七十里又太羅水注水源上承

樹頽水南西轉逕武州縣故城南十三州志曰武州縣在

善無城西南百五十里北俗謂之太羅城案太羅水今備

無故城在右玉縣東南五十里

謹案兩漢城邑之在府境者止樓煩武州二縣爲有

徵樓煩本國名其地當兼甯武及嵐靜河保據漢書

衛青傳擊樓煩白羊王於河南遂取河南地則國爲

趙滅後餘孽猶存闢入河套以內據周勃傳擊韓信

軍於砮石破之追北八十里還攻樓煩三城因擊胡

騎平城下則秦時置縣其地甚大直抵大同以南兩

漢縣治當不外此三城其故址無考然以景帝所置

陰館證之縣與鄉境必相接是北境不越句注燕京

山之天池前漢屬汾陽後漢屬武州是南境亦僅及

甯化其故城似卽在今府治左右元和志云樓煩關

在靜樂縣北一百五十里關因漢縣而名也今府南

六番嶺一作六盤府志云卽樓煩之訛也武州一縣山川城塞皆因以名

其置縣亦始於秦而後來遼金之州與兩漢異地兩

漢之縣又各異地水經注武州水出武州縣在今左

雲魏書所謂平城直西百里武州城者爲秦以來之

故治十三州志武州縣在善無西南百五十里在今

偏關東蓋後漢所徙治關駟之書所言皆後漢制也

兩城相距二百餘里方志混爲一又并遼金之州強

相牽合宜其說之支離至不可究詰也 又案雁門

十四縣惟崞縣無可指實姑以字義求之地形亦當

在府境爾雅釋山云山上有水埒疏謂山顛之上有  
停水泉與水經注所言天池水在高原之上潭而不  
流合釋邱云水潦所遺埒注謂埒爲小隄與說文訓  
埒爲庠垣義略同考累頭山在代州西北七十里山  
甚層峻而非灑水所出山之西土邱曼延二十餘里  
而至甯武之陽方口道元所謂灑水延波歷澗東北  
出山者也又西二十餘里而至神池之大水口道元  
所謂馬邑西川俗謂之磨川者也竊疑埒縣當在其  
間蓋天池在兩漢先屬汾陽後屬武州不當復有縣  
而旁近之邑援以爲名也或曰世說王武子買地作  
埒謂之馬埒此縣以近馬邑而名雖不可以後世事  
臆度前古而依馬馳走以築城邑本出地道記搜神

記皆晉人語也且漢志固以埒馬邑連書矣亦可備

一說云

晉永嘉四年地入於代北魏道武帝割地三百里以封爾朱氏於北秀容川其後稱爲梁郡兼爲秀容郡之數城縣武州之吐京郡地北齊朔州齊德長甯二郡及北顯州北靈州地後周並廢惟存長甯郡屬朔州

魏書序紀穆帝三年晉懷帝進帝大單于封代公并州刺史劉琨徙馬邑陰館樓煩繁峙崞五縣之民於陘南更立城邑盡獻其地東接代郡南連西河朔方方數百里帝乃徙十萬家以充之爾朱榮傳高祖羽健登國初領民酋長從駕平晉陽定中山論功拜散騎常侍以居秀容川詔制方三百里封之爲世業太祖初以南秀容川原沃衍欲

令居之羽健日臣家世奉給侍左右北秀容旣在剗內差  
近京師豈以沃瘠更遷遠地太祖許之祖代勤繼爲領民  
酋長高祖賜爵梁郡公父新興太和中繼爲酋長秀容界  
有池三所在高山之上清深不測相傳祁連池魏言天池  
也云云朱三池一爲爾連池在蘆茅山陰北去五寨  
四十里其二卽甯武西南之天池元池也肅宗  
世新興以年老啟求傳爵於榮榮進爵博陵郡公梁郡前  
爵聽賜第二子

地形志肆州秀容郡敷城始光初置郡眞君七年改治敷

城有石谷山

案今石碣谷在朔州南武及崞縣界又東魏  
武定中置鄆州治敷城界領廣安永定建安

三部後齊廢郡改北顯州其地  
爲崞縣之西山亦今府界也

武州武定元年置治雁門

川三年始立州城

志云治齊郡太平記  
在代州西六十里

領郡三吐京郡縣

二吐京新城

案吐京蓋卽土陞武定中築長城起馬陵東  
至土陞者猶之汾州之土軍眞君置郡名爲



吐京也宋志崞縣有土墜若府志云今盤道梁在府東七十里太平記齊天保六年徙朔州於州西南四十七里之城新太平記秀容川東北接恆州南接肆州西限大河北接朔州東西六百里南北四百餘里又引冀州圖云梁郡城在鄯陽北二十里卽爾朱榮所居

謹案今府境自魏晉以來皆不置縣無可徵實地形志肆州之敷城武州之吐京爲今崞縣西山地特甯武一隅耳樂史所記秀容川合南北秀容而言實括今府全境其梁郡城雖在朔州實爲北秀容之統稱蓋自爾朱食封凡三世而有爵號又再世而至榮身威權旣盛不忘根本旣兼襲舊爵且別建新城也方與紀要謂梁郡卽眞君十年大獵之梁川又以爲地形志恆州之梁城郡案梁城水經注作涼城領旋鴻

參合二縣地在邊外

今甯遠縣東有存城兒

地形志譌旋鴻爲

祇鴻又誤涼爲梁顧氏與梁郡牽合爲一疎矣

隋雁門郡之崞縣樓煩郡之靜樂縣馬邑郡之開陽縣地唐河東道代州崞縣朔州鄯陽嵐州靜樂嵐谷諸縣地五代晉地析入遼爲朔州順義軍之南境又別置武州號宣威軍治甯遠縣而朔州自天地以南爲甯化軍領甯化縣武州自雪山以西爲崑嵐軍以北爲火山軍有偏頭砦並屬宋隸河東路其後砦亦廢爲遼有

隋志雁門郡崞有無京山土城

案無京乃燕京之謬土樓城蓋卽土登亦譌文

煩郡靜樂舊曰崑嵐開皇十八年改爲汾源大業四年改焉馬邑郡開陽舊曰長甯後齊置齊德長甯二郡後周廢齊德郡開皇初郡廢縣改曰開陽 太平記甯化軍本嵐

州故地東北接蕃界太平興國六年改爲甯化軍汾河上源雪山蘆芽尖山並在軍界北至契丹界橫嶺六十里自嶺至朔州一百里又岢嵐軍東至雪山六十里與朔州分界又火山軍在嵐州火山下控臨邊境西北至黃河中心慈母灘一百里東北至朔州六十里 宋志火山軍偏頭砦慶厯初置嘉祐六年廢

謹案府境於宋爲河東之極邊於遼爲西京之近畿其河外則皆界連西夏故遼宋議疆必於此始其舊界當自朔州南之黃草梁東接內邊南越崞縣揚武谷繞府南六盤鳳凰諸嶺宋史韓琦傳契丹侵魏揚武砦地奇鑿壁立石以限之循嶺而西出管涔雪山之背而西北絕關河以歷於外邊宋得偏關地遂得神池地甯武五寨則各得

其半焉樂史所記里至爲宋初之籍於崑嵐火山二  
軍皆云至朔州六十里時遼未立武州所言朔州乃  
州屬之甯遠縣也於甯化軍云北至契丹界橫嶺六  
十里橫嶺汾源之管涔又云自嶺至朔州一百里乃  
州治之鄆陽縣也今甯武朔州相去八十里是府治  
自宋初已在遼界內迄熙甯七年疆事議起時遼已  
建西京置武州藩籬外固在所必爭初求黃鬼在崑嵐縣西  
南七十里北距府五十里沈括言頃歲所議疆事指  
石長城爲界去今所爭黃鬼山三十里案今崑嵐西  
四十五里有長城梁繼請天池而卒以分水嶺爲界蓋昔之在  
山背者今皆移於山脊而防禦之阻彼此共之矣史  
言東西失地七百里固不盡在今府而西棄偏頭東  
割天池中割蘆芽府屬四縣僅甯化一隅猶爲宋有

七百里之地殆不止半在府境也舊志猶目爲宋嵐州失其實矣地從主人奚有於內外之辨哉

金西京路朔州武州河東北路甯化州崑嵐州地元大同路朔州武州冀甯路管州地明隸太原府爲崑縣靜樂河曲三縣及崑嵐州地洪武二年設太原五衛七年設鎮西衛並隸山西都司景泰中置偏頭關成化中置甯武關有偏頭甯武老營八角甯化五守禦所神池利民三岔五寨四城嘉靖中置三關鎮守總兵官駐甯武又設偏甯道駐偏頭後改崑嵐甯武二道分駐焉

國朝改鎮爲甯武營順治初裁甯武道康熙初裁崑嵐道雍正三年改甯武所爲甯武府設附郭甯武縣改偏關所爲偏關縣神池堡爲神池縣五寨堡爲五寨縣隸焉凡領縣四

甯武縣 偏關縣 神池縣 五寨縣

舊通志甯武府界辨甯武古樓煩國樓煩城在靜樂縣

南七十里一在崞縣或云在西百里馬家莊案志州之樓煩唐始

置馬家莊在崞縣西五十里要之靜樂甯武皆樓煩地也甯武在宋

爲甯化軍金爲甯化州領甯化一縣乃明甯化所也靜

樂東北百六十里有管涔山唐置管州於此案元和志

山爲首首靜樂縣永安鎮與甯武接界兩縣治相距百八

十里東八十里爲朔州甯武北三十里卽神池縣治有

虎北等山官莊狼窩等村隸焉神池西八十里卽五寨

縣治有店坪等山小辛下莊等村隸焉五寨在靜樂西

北距荷葉坪山界凡百里由五寨而北百四十里卽偏

關縣治東至老營所西北至草地邊牆均八十里而偏

關西南卽保德州河曲縣治也甯化所在永安鎮北與

甯武所相距一百里

神武在今神池縣地  
武州在今五寨縣地

謹案甯武一府爲漢雁門郡之南境介太原定襄西  
河三郡間漢以後其地荒廢南北虜裂東西借異舊  
志所云某代某縣大概出於臆斷較之大朔二府舛  
誤尤多今詳核古籍一一證明舉其有關通郡者係  
之序中其前志援引之譌亦條辨於各縣下云

府城

明成化二年巡撫都御史李侃所築關城也北踞華

蓋山因其高而俯其東西南三面周四里許基五丈上廣半  
之高三丈有奇門三東曰仁勝西曰仁和南曰迎薰上建重  
樓宏治十一年拓廣之周七里一百二十步增埤五尺加闢  
北門亦建樓其上曰鎮朔萬曆三十四年始發以甌又築東

西關皆甃甃共長一千七十餘丈高三丈五尺舊有護城墩  
在城北山上樓堞悉備外繚以垣周四十丈屹然與城表裏  
今樓圮臺存

國朝置府城因其舊乾隆六年東關門樓圯知府魏元樞重  
葺之並修南北二角樓

府境 在省治北少西三百四十里

東西廣一百五十里南北袤二百八十里

東至朔平府朔州界二十五里 西至太原府奇嵐州界一

百二十五里 南至代州崞縣界七里 北至水泉營邊牆

界二百七十里 東南到代州崞縣界九十五里 西南到

忻州靜樂縣界一百四十里 東北到朔平府平魯縣界二

百里 西北到保德州河曲縣界一百八十里 自府治至



京師九百五十里

甯武縣

簡缺

漢雁門郡樓煩縣兼太原郡汾陽縣地景帝後三年分樓煩之鄉置陰館縣於句注山北後漢建武中移置武州縣於武州塞南皆兼有今縣地漢末並廢晉復立樓煩縣永嘉末劉琨以歸代公猗盧徙其民於陘南別建城邑而故地遂入北魏爲滌源川道武登國中割其西境以封爾朱羽健爲北秀容地太武始光中分其東境置敷城郡尋改縣隸肆州秀容郡兼爲南秀容地孝文太和中爾朱氏賜爵梁郡公其後居肆州並有南秀容而北秀容又習稱爲梁郡地東魏武定中置廓州於敷城界領廣安等三郡後改爲北顯州又置吐京郡隸武州領吐京新城二縣後併爲北靈州今縣東北境亦

在管內後周時並廢隋爲雁門郡崞縣樓煩郡靜樂二縣地  
唐崞縣屬代州靜樂縣初置管州尋改北管州析置汾陽六  
度二縣後又併爲靜樂縣屬嵐州今縣仍兼崞靜樂二縣地  
龍紀中又於故樓煩監置憲州領樓煩天池元池三縣非今  
縣地五代晉地入遼屬朔州置甯武軍而宋亦置甯化縣於  
今縣西南百里尋升爲軍仍領縣自軍北六十里與遼爲界  
熙甯三年廢縣元祐元年復崇甯三年仍廢爲鎮金朔州鄯  
陽縣地其甯化軍仍置縣隸於軍大定二十二年升軍爲刺  
史州元初析甯化置窟谷縣隸朔州後與甯化並省入管州  
而於朔州立馬邑鄯陽甯武諸屯屯田黃華嶺立萬戶府以  
隸之屬大同路爲今府縣得名之始明爲崞縣地洪武二年  
置太原左衛前衛又於甯化置守禦所別屬靜樂景泰元年

置甯武守禦所成化二年建甯武關嘉靖十九年以甯化所隸焉置三關總兵於此爲山西鎮

國朝改甯武營雍正三年設甯武府又設甯武縣爲府治以甯化十堡併入編戶十里

魏書序紀昭成帝

太祖父代王什翼健

二年議都灤源川以太后言

而止 地形志雁門郡原平有樓煩城

一統志漢樓煩城在碯縣東北蓋據

此案志原平並有陰館城蓋皆晉劉現徙五縣於陜南所別立者非漢縣

太平記憲州舊樓

煩監牧也龍紀元年李克用表置縣三樓煩州治元池在

州東五十里天池在州東六十里

宋憲州今靜樂縣南七十里樓煩鎮也元池天

池當在陽曲界

宋史尹憲傳太平興國四年入朔州界被甯武

軍 元地志大德四年於西京黃華嶺立屯田六年立萬

戶府所屬山陰西門馬邑都陽洪濟金城甯武凡七屯食

貨志大德五年興屯於太和嶺之間分山陰雁門馬邑郡

陽洪濟金城甯武七屯案兩志略同地志謂雁門爲西門

亦十五里太和嶺在朔州東南六十五里代州界其山東

西相連蓋興屯於代朔應三州界而朔州地爲多七屯自

山陰金城雁門外皆朔州屬也或以黃華嶺爲黃瓜堆謂

屯居於系乾川今案黃瓜堆一上隴耳自南麓至北麓不

及五里橫臥系乾水兩去太和嶺約百十里絕不相屬其

土河地寸草不生而系乾徑流山陰縣境一望斥鹵土人

以直隄植爲生何所利而興屯於不食之地乎大同通

府志乃云黃河上沃故元人屯田於此未免附會

鑑注朔州順義軍節度領鄆陽窟谷二縣案宋志窟谷有

分窟谷地置縣不久節度廢故不見

於元志胡氏引當代事必有據也

方輿紀要秀容故城在忻州西北百里後魏時所謂南秀

容也又有北秀容在漢定襄郡界去南秀容三百餘里晉

太元末慕容垂伐西燕西燕主永求救於拓跋珪珪遣兵

東渡河屯秀容以救之此北秀容也案謂北秀容在定襄

郡界本括地志漢定

襄郿南境爲中陵今平魯縣也與神池界西境爲緊魏收  
縣今清水河底也與偏關界蓋北秀容本府西北地

地形志永興二年置秀容郡屬肆州領秀容等縣又立秀

容護軍於汾水西北六十里徙北秀容之人居之此南秀

容也案此誤合水經注與地形志爲一水經注汾水又南

平治表去汾水六十里乃曹魏時事其地在今嵐縣西南

州志西北蓋漢末秀容郡本居定襄界魏武徙置於汾陽

地遂曰今嵐縣爲南秀容而府境爲北秀容至後魏明元

帝別於肆州置秀容郡又曰魏靜以北爲北秀容而忻州

爲南秀容也地志皆以劉淵自美其秀容名地爲秀容不

知其名已又爾朱榮傳云云前文見是爾朱氏本居北秀容

始漢末其地近平城也又云羽健之孫代勤官肆州刺史子新興

容矣

謹案今府治自昔爲崞地始於後魏之置敷城及吐

京新城二縣東北二境胥在所隸而管涔天池則別

屬北秀容在爾朱氏封邑劃內歷隋唐疆域不改隋志

峰有燕京山靜樂有管涔山天池唐志崞有石門關靜樂有天池祠管涔山寰宇記石門關在崞縣東北

八十里正今府界至石晉獻地契丹而崞地附入朔州熙甯

更立新疆而天池亦在朔境金承遼舊朔州甯化仍

界天池金志朔州鄆陽有天池魏德山今神池西南

地名霜塢若隔關之元屯田太和黃華之間甯武在

七屯之內則仍爲朔地其再隸崞縣當自明初置太

原諸衛始而舊志於五代後猶係其地於崞府志更

謂漢以來卽爲崞地不亦異乎又案舊志以甯武爲

北魏朔州廣甯神武二郡地固諺府志駁之謂爲肆

州秀容郡之北秀容及石城地不知石城乃今崞縣

治其西與甯武界者實爲敷城北秀容非縣亦不屬秀容郡也然較舊志猶爲近是至並漢樓煩亦力辨爲非謂漢志樓煩有鹽官當近沃陽之鹽澤崞縣於漢時已治陘南殆未見水經注沃陽崞川二水注也其以唐憲州之元池天池二縣皆在甯化亦與舊志同誤

縣城 附郭

縣境 東西廣一百六十五里南北袤二十里

東至朔平府朔州界陽方口麻峪寨二十里朔州治八十里西至忻州靜樂縣界永安鎮一百四十里靜樂縣治一百八十里南至代州崞縣界狼窩溝五里鳳凰村鋪七里北至神池縣界黃花嶺鋪十七里神池縣治三十里 東南

到崞縣界柳坡泉八十五里崞縣治一百二十里西南到崞縣界馬房村一百里東北到神池縣界大水口三十五里西北到五寨縣界馬龍村九十里五寨縣治一百八十里

巡檢司在甯化鎮

邊牆 內邊西起神池縣界大水口東至陽方口入朔平府

朔州界經縣東北境七十里

鄉鎮 南鄉甯化鎮一百二馬營七十里北鄉陽方口二十里

東鄉盤道梁七十里

邊站 甯武站稍衝在城內北六十里至朔州青圪塔站南

一百里至甯化站見額馬十四匹馬夫五名廩夫十六名甯

化站僻南八十里至靜樂縣見額馬八匹馬夫四名



舖遞

北路黃花嶺里十三

西路分水嶺里四十二

馬營里七十

南路鳳凰村里八

東北路陽方口里二十

西南路甯化堡

一百石家莊三里

道徑

東經馬灣七里陽方口麻峪寨二十里又五十里抵

朔州西經壩上村十五里余家莊分水嶺胥十里又亂橋子

十里直抵五寨縣南由鳳凰溝七里抵崞縣北至黃花嶺十

三里接神池直抵偏關縣據三關之險要邊陲衝路也南由

陽武峪過紫金關西由靜樂縣凌井溝至太原府屬小徑

偏關縣簡缺

漢定襄郡南境西河郡東境後漢移雁門郡之武州於太羅

水北仍隸雁門郡今縣東百里之賈家堡也漢末廢後魏道

武封爾朱羽健於北秀容川孝文復賜其孫代勤爵梁郡公

今縣爲梁郡岢嵐縣之北境又卽秀容川之西首也隋樓煩  
馬邑二郡地唐嵐州嵐谷縣地五代北漢天會初建偏頭砦  
宋以砦隸火山軍嘉祐六年廢熙甯中地入於遼爲武州八  
館地隸甯遠縣金同元偏頭關仍屬武州明爲河曲縣地置  
太原左衛右衛隸山西都司成化十一年設偏頭關守禦所  
嘉靖十五年又置守禦所於關城東九十里之老營堡  
國朝因之雍正三年改偏頭關設偏關縣隸甯武府以老營  
所十堡併入編戶四千九百三十五戶舊未分里

魏書爾朱兆傳齊獻武王擒兆弟智虎於梁郡岢嵐南山  
宋史夏國傳金人滅遼許割天德雲內金肅河清四軍  
及武州八館之地約攻麟州以牽河東之勢靖康元年三  
月夏人遂渡河取天德雲內武州河東八館地旣而金悉

尊有

金志武州甯遠有黃河

府志或以偏關爲金陝州然觀元尙思明魏知院碑

移師

武州之阨塞曰偏頭關則偏關屬武州而非陝州明

矣

案舊志以偏關屬保德州當據碑文以正之又金志

尙嵐州有寒光堡舊志北漢主鈞天會元年城偏頭寨於韓廣嶺上亦作韓光嶺或據金志以爲卽寒光堡尤誤

謹案漢西河郡河東之縣當首偏關而縣名無可指

實後漢武州則確在今縣境矣元和志嵐州宜芳縣

本漢汾陽縣地後魏於此置尙嵐縣又云後魏置嵐

州因州西尙嵐山爲名更以魏書梁郡尙嵐證之則

州郡縣皆當置於爾朱當國時矣

案隋以前皆以州領郡郡領縣梁郡

自在嵐州冀州圖以郡在朔州相距三百餘里疑爲爾朱氏之別城亦或誤嵐州爲朔州其不見於地形

志蓋高歡時已廢宋志火山軍有砦六偏頭廢於嘉祐中熙

甯中諸砦並廢元豐九域志止下鎮一砦蓋其地多

析入遼也金史天會二年夏王奉表稱藩割下寨以

北陰山以南賜之下寨卽下鎮也然則武州八館皆在其北雖不盡屬縣地而入館次第固當以縣爲首矣

又案唐志代州下注北有大同軍其西有天安軍天寶十二載置大同軍在朔州馬邑則天安軍當爲府境特志於中受降城注大同川之西有天安軍天寶十三載置兩軍一在大同軍西一在大同川西置於一時而皆名天安雖兵志一屬河東道一屬關內道終爲可疑元和志河東道諸軍皆詳治所及所管兵馬之數亦無其名也府志以爲在偏關而偏關去岢嵐二百里當在岢嵐軍管內

元和志軍在嵐州樓煩北百里長安中李迥秀

置管兵千人案軍治卽嵐谷縣也

然較所謂漢雁門郡沃陽縣地北

魏代郡永固縣地隋樓煩郡秀容縣地及舊志所證

之桐過縣新興郡武川鎮諸地猶爲近是故略辨之

沃陽在今和林格爾及甯遠兩廳界桐過今托克托

清水河兩廳界永固縣今豐鎮廳南武川鎮今歸化

城西北隋秀容今之忻州亦卽魏晉之新興郡也

縣城

舊偏頭砦有土城遺址

舊志遠乾亨四年所置武甯縣案遼無武甯縣蓋取武州

甯遠二名強

明洪武二十二年改築於西原去舊址里許宣

德四年展修南面正統十四年增城堞天順二年展東面成

化六年展西南二面宏治元年復展東面周五里一十八步

高三丈五尺東西南三門上建重樓嘉靖十六年增修二十

九年增建敵臺七四十二年甞發東南隅四百餘丈四十五

年於東西南三面各加厚丈餘隆慶三年周圍甃築萬曆七

年甞發建大小樓十三二十六年修西南兩關開水門築石

隄以防水患天啟三年南北更置甬洞樓閣

國朝雍正三年改縣城仍舊乾隆十三年知縣陸綱繕修三十一年發款再修

縣境 在府北一百八十里

東西廣一百里南北袤一百四十里

東至朔平府平魯縣界賈家鋪一百里平魯縣治一百七十里 西至保德州河曲縣界西溝村關河灘十里至樺林堡界二十里至河曲縣治七十里 南至五寨縣界樓溝堡下莊村溝六十里五寨縣治一百四十里 北至滑石澗堡界七十里至清水河廳界邊牆八十里 東南到神池縣界永興堡狼窩村溝六十里神池縣治一百四十里 西南到保德州治一百九十里 東北到清水河廳地界五眼井堡邊

牆一百里 西北到河曲縣界二十里到黃河岸老牛灣邊  
牆八十里

兼轄鄂爾多斯左翼前旗地東西廣一百四十里南北袤九

十里 東至河西南並至河曲縣界兼轄地界北至托克托

翼兩廳地歸沿河廳縣兼管遇  
業民交涉事件會同蒙官辦理

邊牆 西起河曲縣河口舖界東至老營堡鴉角山入朔平

府平魯縣界經縣北境二百四十里 內邊起鴉角山南至

長林峪入神池縣界經縣東境六十里

鄉鎮 東鄉馬站堡 四十里 老營堡 九十里 水泉堡 七十五里 五井眼

一百七十里 北鄉老牛灣 五十里 南鄉樓溝堡 四十里

邊站 偏頭站 解 在城東七十里至水泉站 水泉站 解 在

水泉堡東六十里至老營站 老營站 解 在老營堡東八十

里至神池縣利民站各設馬八匹馬夫四名廩夫八名水泉姑無夫

舖遞

總舖在城

東路馬站

四十里

老營

九十里

賈家

一百里

南路迤西

三十里

劉家

六十里

東南路

鐵駝

二十里

永興

四十里

道徑

南由迤西舖經龍霸山至劉家溝十五里達五寨由

永興舖至狼窩村溝二十里達神池此偏關二孔道也西至

關河灘十里河曲縣界北由水泉營堡至清水河廳地界此

偏關二要徑也

神池縣

前缺

漢雁門郡馬邑埒二縣地北魏都平城屬畿內爲馬邑西川

有楊泉卽神池所由名也遷洛後地屬梁郡北齊爲齊德長

甯二郡地後周齊德郡廢隋改長甯爲開陽縣隸馬邑郡唐



朔州鄆陽縣地遼神武縣初隸朔州重熙九年置武州後徙州治甯遠併爲一縣爲甯遠鎮金仍爲武州甯遠縣地元至元四年省縣入州明代州崞縣地洪武初置太原左衛左右二所及前衛左右二所成化十三年置神池口巡檢司隸朔州嘉靖二年置八角守禦所十八年於神池堡置營並置利民堡營

國朝因之雍正三年改設神池縣以八角利民二堡併入隸甯武府編戶十四屯

太平記楊泉冀州圖云後魏太和中文明皇太后來幸釣得鯉魚一雙皆長三尺以黃金爲鎖穿腮放於池內後皆長五尺其一浮天爲五色虹而去一在池至孝昌元年六月行臺元朔北伐頓此決池取魚鱗甲非常元淵忍而殺

之得金二斤八兩淵來年爲葛榮所殺

朔州志楊宋在州西南九十里神池

界縣志神池在城西門外環城西

遼志朔州甯遠縣齊天

保六年於朔州西置招遠縣唐乾元元年改今名甯遠鎮東至朔州八十里武州神武縣魏置晉改新城初隸朔州後置州併甯遠爲一縣來屬

舊志尹耕曰平城有三皆在冀北一曰平城古城也漢

高閼白登之所至者爲今大同一曰新平城拓跋猗盧

新城也其子六修之所居者今在馬邑縣北一曰小平

城亦古城也秦蒙驁之所拔者今神池稍南甯武關地

也小平城見吞於秦而兩漢無聞新平城見據於六修

而魏不復見獨平城爲魏都後復爲鎮稱京置府至今

顯焉

府志通志以今神池縣爲唐武州新城地謂後唐李克  
用生神武川之新城卽此夫唐書明言沙陀朱邪執宜  
來降詔處之鹽州已而范希朝鎮太原詔沙陀舉軍從  
之居之定襄神武川之新城定襄神武川在大同地境  
唐置神武軍處案唐神武軍卽大同軍在今馬邑鄉神  
武川之新城在隋神武縣境今山陰縣  
地也且唐河東道無武州何有武州之新城遼史云武州  
神武縣魏置晉改新城則其時方徙民入塞何暇於此  
置縣如云元魏所置則有郡無縣抑所謂晉改者元魏  
後惟石敬瑭稱晉敬瑭未及爲帝已割山後諸州與契  
丹又何復改新城之有夫遼史荒陋絕不足信通志受  
其誤而弗知前志願且引之遂並以神武新城入神池

古蹟矣

謹案史記秦本紀莊襄王二年蒙驁攻趙榆次新城  
狼孟取三十七城新城明在太原而正義引括地志  
云新城一名小平城在朔州鄯陽縣西南援後魏之  
事蹟證先秦之疆域已爲失據且不知括地志以拓  
跋之先事牽入東魏更襲其譌也魏書序紀猗盧封  
代以故平城爲南都又於其南百里瀑水之陽黃瓜  
堆築新平城晉人謂之小平城此其地在今山陰與  
後來道武帝所建之溫南宮相距不遠亦謂之南平  
城以在宮城之北又謂之北新城也地形志武定元  
年置吐京郡領吐京新城二縣此其地在今崞甯朔  
界卽北齊天保六年移朔州於州南四十七里之新  
城也新平城於隋爲神武縣地新城於隋爲鄯陽縣

地二縣皆屬馬邑郡唐初朔雲未分故志家皆謂猗  
盧都馬邑而新城新平城遂混爲一北魏朔州之神  
武郡本寄治并州界高齊徙朔州治馬邑神武之名  
始被於此其後習稱隋神武縣爲神武川唐因之名  
軍寇因之名縣而神池之黃華嶺適與黃花堆同名  
於是新城更移於西而神武愈混爲一東魏之武州  
所領郡縣皆廢而州城厯隋唐猶存元和志大業十  
武州城唐書劉世讓傳武德其後遼置武州於朔州  
五年突厥入寇拒守武州之西地近秦塞名同漢縣於是又以新城屬武州而  
武州亦混爲一遼志鑿空立說固不待言而尹耕辨  
三平城強析新平小平爲二腫成謬論皆括地志一  
語有以啟之也 又案隋志馬邑郡開陽注舊曰長

甯開皇十九年更名開陽唐志朔州鄯陽注武德四  
年省常甯入焉蓋誤開陽爲長甯又誤長爲常也北  
齊長甯至隋已改開陽唐初安得更有一長甯乎遼  
志朔州鄯陽縣下云齊置招遠縣隋大業元年更名  
甯遠縣下又云齊置招遠縣唐乾元元年更名甯遠  
鎮東至朔州八十里於武州神武縣下云魏置晉改  
新城初隸朔州後置州併甯遠爲一縣來屬考朔州  
西八十里正今之神池縣蓋置神武縣於此與鄯  
陽甯遠馬邑三縣並屬朔州州治鄯陽南四十里爲  
馬邑西八十里爲神武又西八十里爲甯遠重熙中  
置武州於神武而不領縣故志謂朔州統州一縣三  
也其後併神武甯遠爲一縣移武州治甯遠而改故

神武爲鎮故志云甯遠鎮東至朔州八十里也惟因甯遠而牽及招遠又不詳其改徙遂似神武一地而有二招遠二甯遠二武州至不可通一統志於神武及武州云在神池東北於甯遠及金元武州云在五寨亦以武州先治神武後治甯遠也遼志取盈卷軸浮文妨要援引故事十誘八九略其所次歷代城邑之因革而但據當時州縣之部分斯爲得之

縣城 本神池堡明成化十五年建土城嘉靖十八年展築萬曆四年甃甃周五里七步高二丈五尺門三東曰迎曦南曰雄鎮西曰保障上各建樓又建望樓於西北隅國朝雍正三年設縣卽堡城爲縣城

縣境 在府北三十里

東西廣九十五里南北袤一百五里

東至朔平府朔州界大澗口五里至甯武縣陽方口二十五里至朔州治八十里西至五寨縣界官莊橋五十里五寨縣治八十里南至甯武縣界黃花嶺十五里甯武縣治三十里北至偏關縣界乾柴溝九十里偏關縣治一百五十里東南至甯武縣界溝兒澗五里到朔州界五十里崞縣界四十里西南至五寨縣界小辛莊五十里崞州百六十里東北至朔州界利民堡六十里馬邑鄉一百一十里西北至偏關縣界草庵九十里

邊牆 內邊北起偏關縣野豬溝界東南至莜麥川入朔平府朔州界經縣東北境七十里又自溫村嶺起東至大水口入甯武縣界經縣東境十里



鄉鎮

北鄉利民堡

八十里

八角堡

六十里

櫻桃鎮

七十里

邊站

神池站

稍衝

在城內南三十里至甯武站北六十里

至利民站見額馬二十八匹馬夫十四名

利民站

僻在利

民堡西六十里至八角站

八角站

僻

在八角堡西六十里

至五寨縣三岔站二站各設馬八匹馬夫四名

塘站

大水口

新塘

東三十里至朔州梨園頭站西三十里

至神池站

神池站

舊塘

西三十里至義井站 義井站

塘

西三十里至仁義站

仁義站

新塘

西三十里至五寨縣

三岔站四塘各設馬十二匹馬夫六名

舖遞

西路辛莊

十五里

大店

四十里

南路黃花嶺

十三里 西

北路劉海莊

六十里

八角堡

八十里

草巷

一百十五里

道徑

西經辛莊舖義井驛大里莊仁義村八十里至官莊

橋五寨縣界秦中孔道也西南經辛莊舖辛村大店舖七十里至小辛莊五寨縣界五寨孔道也

五寨縣

簡缺

漢雁門郡樓煩縣地後漢爲武州縣地仍隸雁門郡後魏梁郡岢嵐縣地隋嵐州靜樂縣地唐嵐州嵐谷縣地五代時析入遼爲朔州地置甯遠縣於今縣東北三十里後移武州治之以州舊治之神武縣併入隸西京道其南境爲宋岢嵐甯化二軍地與遼以雪山爲界金西京路武州邊下刺史仍治甯遠元武州下隸大同路至元二年割甯邊州之半來屬四年省甯遠縣及司候司入州明洪武七年於岢嵐州置鎮西衛隸山西都司九年省武州入岢嵐嘉靖十六年總兵周尙文建五寨城以衛所領之五所屯牧於此又置三岔堡

國朝因之雍正三年改設五寨縣以三岔堡併入隸甯武府編戶三千八百十九戶舊未分里

太平記雪山在嵐谷縣東北四十里高三十里長六十里

嵐朔二州分界

府志東雪山在縣東南十五里西雪山在縣西南二十五里

方輿紀要續通考鄯陽縣有武州塞遼於此置神武縣屬

朔州重熙九年置武州治焉亦曰宣威軍金人省縣入州

素遼省神武入甯遠元省甯遠入武州以爲金省誤元因之明初廢其故城周五里

有奇鎮西衛分軍戍此爲屯留堡志云武州有八館地遼

置館舍於此因名宋靖康初夏人因金人內侵乘虛盡取

河外武州等八館卽此甯遠城朔州西八十里宋所置

甯遠砦也熙甯初詔李宗詠往河東修甯遠砦後沒於遼

置甯遠縣屬朔州

案砦在陝西府谷縣西南宋史咸平六年於府州西寒嶺置砦賜名甯遠是也

宋府州屬河東路兵馬爲代州兼轄  
氏與遼之甯遠縣率合爲一殊不考

舊通志武州城在崞嵐州北百一十里朔州西南百五

十里木趙武州塞漢爲雁門郡武州縣晉改新城後唐

李克用生神武川之新城卽此

案謂晉改新城本遼志金史從之以甯遠爲晉

故縣辨詳前神池下明初仍置州隸大同府後革今城存鎮西爲

屯留堡案漢所築武州城在境內自明洪武九年遷今

城武州遂廢今爲武州村

案漢武州縣在偏關境距遼金武州約一百三十里

府志按遼史朔州甯遠縣北齊天保六年置招遠縣唐

改甯遠縣然唐志朔州注有長甯無甯遠也武州統神

武一縣後併甯遠爲一縣來屬甯遠縣甯遠鎮東至朔

州八十里以道里方隅較之則今甯武神池在遼時正

當爲甯遠縣地然神武本隋縣因北魏僑置之神武郡

改設神武縣有桑乾水則地又當在甯遠極東或者以今五寨縣有神武鎮遂謂神池五寨皆隋神武縣地夫五寨神池故無桑乾水第謂爲甯遠故處可耳五寨志略云故甯遠縣在東北三十五里斯得之矣

府志武州考唐時兩武州其一在今宣化其一屬關內道在今固原平涼間而實無在山西之武州山西之武州乃遼重熙九年所置重熙遼興宗年號十年遣劉六符等使宋求周所取關南地武州之置當在此時遼史地志朔州統州一曰武州宣威軍下刺史與石敬瑭所割之武州並載志中其一曰歸化州雄武軍者卽唐領文德縣在今宣化者也第兩武州判焉不同而遼史於唐武州遼改歸化州者則云唐僖宗時改毅州李克用

復武州後唐明宗又爲毅州及遼改歸化至重熙九年之武州又云唐末所置後唐改毅州重熙中復號武州凡兩州而共爲一說於其始末又復互殊淆亂顛倒至於如是且唐書地志最爲精密凡郡縣更名自武德初至大中景福天復天祐之末莫不備紀卽王處存李克用朱溫李茂貞諸所表置亦悉載焉顧絕無改武爲毅之文是遼史尙足信乎通志承之勿能辨也亦云唐末置武州是惟知有遼史之武州而以唐大中五年置在原州蕭關者混而爲一矣若三關志謂古今有兩武州其一唐置今宣府也其一漢武州縣今偏關也然關志絕未知古今武州之名凡有五一漢武州縣則縣而非州一東魏末僞置若河北關內兩武州則唐置特俱不

屬河東其在河東者乃遼置而金元皆有之關志唯味其然乃謬以遼武州與漢縣唐州又混而爲一故厯指出來悉論辨之使言地與者得曉然焉

謹案舊志以縣爲北魏神武郡地而謂郡屬之殊頽在縣尖山在神池蓋襲地形志而依託遼志以爲之說府志辨之並其漢武州中陵二縣亦斥爲謬而謂武州在平魯中陵在神池不知水經注中陵川水出中陵縣北流合沃陽樹頽二水者上源正在平魯其東北百三十里爲左雲前漢之武州縣也其西南七十五里爲後漢之武州縣則在偏關界矣因遼之州而援爲漢縣謬也因兩漢之縣皆不治此而並謂非漢武州塞地亦謬也府境自東漢以後城邑可考者

僅宋之甯化遼之武州熙甯割地而甯化北界無天池武州西界乃跨有黃河靖康初金人以地畀夏所謂武州八館者皆遼舊疆也其地旣得今府西半至元割甯邊來屬而北境直抵塞外志願獨以神池屬州而紛引宋金元之嵐陝諸州於此蓋於其城邑治所尙茫然也

縣城 明嘉靖十八年始建堡城萬曆九年增修周四里有奇高三丈五尺厚五尺東西南三門敵臺十二樓櫓相望四十八年爲雨圯旋修復

國朝雍正三年設縣城仍舊制十二年知縣劉耀珪繕治樓堞名其東門曰捧暉南曰迎薰西曰秩成

縣境 在府西一百里



東西廣五十五里南北袤一百里

東至神池縣界張家坪三十里神池縣治八十里 西至太

原府岢嵐州界牌村二十里岢嵐州治八十里 南至甯

武縣界店坪山三十里 北至偏關縣界深塢村七十里偏

關縣治一百四十里 東南到甯武縣界二十五里西羊房

村三十里甯武縣治一百里 西南到岢嵐州界黃土坡四

十里興縣界百八十里 東北到神池縣界賀職村五十里

朔州治百六十里 西北到岢嵐州界韓家樓六十里到保

德州河曲縣界七十里

鄉鎮 北鄉三岔堡

六十里

邊站 五寨站 僻在城內東八十里至神池站南八十里至

岢嵐州永甯驛見額馬八匹馬夫四名 三岔站 稍衝在三

岔堡西七十里至河曲縣李家溝站西北八十里至偏關縣  
偏頭站兒額馬二十四匹馬夫十名

塘站

三岔站

新塘

東至神池縣仁義站三十里西至韓家

樓站三十里

韓家樓站

新塘

西至河曲縣李家溝站二十

里二塘各設馬十二匹馬夫六名

鋪遞

東路張家坪

三十里

西路界牌村

二十里

北路小河

頭

三十三岔堡

六十里

道徑

東由東寨坡經石廟兒村十里又官莊村五里抵神

池縣界西經大村鋪丈子溝胥五里韓家樓十里至河曲界

又由界牌鋪抵奇嵐州至太原府北由深塢村賀家梁鋪十

里劉家灣十里又五里至山岔口抵偏關縣通京達陝孔

道也

石甯武府

忻州

中缺  
衝繁

禹貢冀州之域三代訖秦並同太原府漢爲太原郡陽曲縣及汾陽縣地後漢建安二十年徙定襄雲中五原朔方上郡等五郡於此郡爲一縣立新興郡領之治九原城卽今州治也晉以魏屬并州惠帝時改新興曰晉昌領九原定襄雲中廣牧晉昌五縣其後石趙苻秦慕容燕迭有其地仍爲新興郡北魏天賜二年置九原鎮永興二年析其西北境置秀容郡及縣所謂南秀容也太平眞君七年省九原雲中晉昌三縣併入定襄州東北境移新興郡治之又置平寇縣以三堆朔方定陽併入州西境並置蒲子縣以平河併入又於秀容界置肆盧熬城二郡尋改爲縣以三會併入肆盧而於今州西北十

八里置肆州因肆盧川爲名以新興秀容二郡隸焉太和十八年割司州之雁門郡來隸宣武帝徙州治於九原城莊帝永安二年改新興郡曰永安郡領定襄陽曲平寇蒲子驍夷五縣其秀容郡領秀容石城肆盧敷城四縣如故東魏天平二年徙恆州八郡寄治秀容郡城後齊並廢又省定襄移平寇縣來爲郡治後周徙肆州北治雁門所領郡縣多廢隋開皇初復新興郡十年徙平寇別治石城郡亦廢十八年始自西北五十里移秀容縣於此立忻州治之取州北忻川水爲名也大業四年州罷以秀容隸樓煩郡唐初復爲新興郡武德元年改忻州四年析秀容置定襄縣天寶元年改定襄郡爲下郡管兵三千人領縣二秀容爲上縣乾元二年復爲忻州隸河東道五代周時地屬北漢宋忻州下置團練使隸河

東路仍領秀容定襄二縣秀容爲緊縣金隸河東北路爲刺  
史州領縣如故元至元二年省秀容縣入州尋復置三年七  
月升州爲九原府置宣撫司以崞代臺堅四州來隸四年復  
爲忻州仍領二縣隸冀甯路明隸太原府洪武初以州治之  
秀容縣省入惟領定襄縣

國朝因之雍正二年升直隸州割太原府屬之靜樂縣來隸  
編戶舊五十三里今四十七里領縣二

定襄縣 靜樂縣

元史本紀至元三年七月以崞代臺堅四州隸忻州地  
理志冀甯路忻州唐初置新興郡後改忻州又改定襄郡  
又爲忻州金隸太原府元因之領二縣秀容倚郭至元二  
年省入州四年復置 明一統志忻州元初改九原府置

宣撫使案元志不詳改府而帝紀直云以州隸州殊疏茲以明志及史文互證以至元二年省縣入州三年州非府以時代堅臺四州來屬此時秀容縣當復置至四年還爲州諸州隸仍領二縣以復秀容案之四年是爲府時竟無倚郭之縣矣恐非事理

舊通志肆州故城亦名秀容在西北五十里後魏肆州治此通考卽積粟所在爾朱氏世居北秀容道武初令遷居南秀容羽健未遷後此永興置秀容郡按南秀容

卽今忻州北界北秀容三百里乃神池五寨崑嵐等地

也案道武時忻州尚無秀容之名所云南秀容乃漢汾陽水經注東去汾水六十里之秀容也其後明元帝於此置秀容郡南秀容之名始設於此汾陽故城

在今嵐縣南三十里亦卽羊腸倉積粟之所也

舊志後周顯德時割忻口等地並忻州東北之神樂縣置唐林縣於治統之今唐林岡卽其地宋平北漢廢唐林徙治北曰白鹿縣又改名崞縣其神樂地入定襄而

忻口南北諸村落復歸忻州

案唐志唐林本武延證聖元年折五臺嶧置唐隆元

年更名太平記梁開平二年改白鹿後唐同光初復舊  
晉改廣武後復舊此云周顯德時置則是北漢劉鈞始  
有此縣矣其神樂縣亦別無所見殆與所云隋置雲州  
銅川縣同爲疎舛惟北漢事蹟絕無傳述志本之州舊  
志或不盡出無稽姑附存以俟考

州志肆州故城在西北二十五里河管村南平寇故城  
在東五里故郡村肆盧故縣西北五十里肆盧川土人  
名四六奇村

謹案元魏肆州與郡縣異治太武初治於肆盧川時

爲肆盧縣地

肆盧川卽雲中河舊經州北二十里後  
改道自源北流合忻川水入崞縣界

魏書帝紀太和五年幸肆州講武於雲水之陽是也

宣武徙治今州時九原已併入定襄爲定襄縣地元  
和志於今州西北十八里故州城移肆州於此今州

卽九原故城也其永安秀容二郡所領九縣屬今州

者爲定襄平寇蒲于秀容肆盧五縣地形志秀容縣

下云有秀容城原平城肆盧城原平今在崞縣境永

興所置之縣蓋距肆盧城爲近肆盧城州志所云西北五十里四十六村

者方輿紀要秀容故城在州西北百里後魏時所謂南秀容也案元和志秀容城卽汾陽故城在今嵐縣

距忻州二百餘里顧氏肆盧縣下云治新會城併三

會屬焉三會水今牧馬河城當相近太平記引水經注云三會水出

九原城西東入滹沱正今牧馬河自州西南五十里東北流逕州南又東流入定襄界方志以定襄南山

附入之三泉眞君所置之縣又非肆盧川地矣此二

水當之殊誤

縣並屬秀容郡一在州北境一在州西境者也平寇

隋志高齊置元和志後魏莊帝置於九原東十里又

云齊武成移於定襄而地形志則云眞君七年置併



三堆朔方定陽屬焉有三會河永安二年屬三堆今

靜樂縣地太平記今縣治又三會河出州西南五十

里朔方定陽二縣疑亦漢末所置以屬新興朔方本

漢郡定陽漢上郡屬縣也蓋晉改新興為晉昌時

所併省而魏初重置者其故城則不可考是其本治明在今州西南當陽

曲靜樂二縣境真君置縣蓋不屬新興至莊帝改郡

名始來屬者北齊省定襄而郡亦廢乃東徙此縣為

郡治故其地今尚名故郡村似州東十里之縣即置

於齊武成時元和志或誤以莊帝改屬為徙治以定

襄界為定襄城歧為二事而隋志又據後來徙治之

縣直以為齊始置也隋又徙治石城依諸志核之曲

四十五年平寇蒲子故縣太平記在州境今不可考

疑即魏書帝紀句注陘南之蒲池也高祖紀太和十

八年南巡還閭

月癸亥次於句注望前皇太子朝於蒲池王申至平城宮其地在今州北三十里雲中河故道所經土俗因謠爲泡池地形志蒲子眞君七年併平河屬平河以太平記秦戲山一名平山證之此平字亦乎之譌文卽摩沱河也在州北五十里蒲子乎河殆皆因水名縣其故城在平寇以北矣又案今州跨九原岡爲城方志以當春秋晉九原漢京陵縣固非卽指爲漢魏以來九原故城亦未爲確據元和志故肆州在州西北十八里今二十五里平寇縣在州東十里今五里是唐時州治已在今城以西道光中州人啟土九原岡獲東魏興和二年劉懿墓志云葬於肆盧鄉孝義里其非肆州徙治之城尤爲明徵

州城 後漢末始築西跨九原後魏明帝熙平二年九月所  
城肆州治也歷代因之周九里二十步高二丈五尺池深一  
丈七尺明洪武三年重修嘉靖十六年加修二十八年增設  
敵臺萬厯二十四年蓋以甃石甃厚七重石基八尺高四丈  
二尺周二千一百九十丈有奇陞三重深二丈闊丈餘四門  
東迎暉更名永豐南康阜更名景賢西留映更名新興北鎮  
遠更名拱辰

國朝乾隆十八年知州沈廷珍頌款修三十一年知州格圖  
懇又修同治七年知州戈濟榮大修之歷三年工始竣

州境 在省治北一百四十里

東西廣三百四十五里南北袤一百一十里

東至平定州孟縣界一百二十里 西至太原府嵐縣界二

百二十五里 南至太原府陽曲縣界四十里 北至代州  
崞縣界六十里 東南到太原府陽曲縣界六十五里 西  
南到汾州府永甯州界三百三十里 東北到代州五臺縣  
界七十五里 西北到甯武府五寨縣界二百八十里 自  
州治至

京師一千三百里

本州境 東西廣一百二十里 南北袤八十五里

東至定襄縣界北胡村二十五里 少北至定襄縣治四十里  
西至靜樂縣界石代橋溝一百一十里 少南至靜樂縣治  
一百八十里 南至太原府陽曲縣界關城鎮三十五里 陽  
曲縣治一百四十里 北至代州崞縣界河鋪六十里  
東南到陽曲縣界石梯溝四十里 到平定州治二百七十里

西南到陽曲縣界峪子村六十里到交城縣治二百六十里  
東北到定襄縣界張村四十里到崞縣治一百二十里  
西北到崞縣界陽胡村六十五里

鄉鎮

北金山鄉部落鎮

三十里

忻口鎮

五十里

南集賢鄉麻

會鎮

二十里

閻城鎮

四十里

莊磨鎮

五十里

西九原鄉奇村鎮

十五里

東承豐鄉

驛站

九原驛

在城內南七十里

至陽曲縣成晉驛北

九十里至崞縣原平驛見額馬三十四匹馬夫十五名遞運所

夫三十名

舖遞

總舖在城

南路舊站

麻會

二十里

卧牛灣

三十里

北路十五里舖雲中河舖

二十里

部落

三十里

金山

四十里

界河

五里

東路段家

十里

西路合索

二十里

三交

五十里

道徑 東經傅家莊故郡村段家莊北胡村凡二十里又五里至定襄縣界智村南越牧馬河經曲家莊麻台鎮辛興鋪卧牛灣關城鎮凡四十里又五里至陽曲縣界石嶺關北經二十里鋪及泡池村金山鋪忻口鎮界河鋪凡五十五里又五里至崞縣界板市村孔道也而關城鎮忻口鎮界河鋪尤爲要隘南至石梯溝西南至峪子村晉陽曲界又西南至靜樂石代橋溝又西至崞縣陽胡村爲山曲小徑

定襄縣

前缺

漢置陽曲縣隸太原郡後漢末移陽曲於太原狼孟南界徙定襄郡五縣合爲定襄縣置此隸新興郡晉改新興郡曰晉昌又置晉昌縣與定襄縣同隸焉北魏眞君七年併九原雲中晉昌二縣屬定襄治陽曲故城移新興郡來治永安二年

改新興郡曰永安治定襄如故天平二年徙恆州之梁城郡  
並所領二縣寄治界內北齊廢並省定襄武成帝移平寇縣  
於界內仍置郡爲平寇縣地隋開皇十年復移平寇於石城  
又爲秀容縣地唐武德四年析秀容仍於故城置定襄縣  
宋中下熙甯三年省入秀容元祐元年復仍隸忻州金元下  
並隸忻州明隸太原府忻州

國朝因之雍正二年改忻州爲直隸州定襄仍屬編戶舊二  
十五里今十三里

地形志恆州梁城郡天平二年置領縣二參合旋鴻

今本

鴻又作視鴻案水經注縣山旋鴻池而名蓋旋鴻爲祇又  
善祇作祇再譌爲祇耳茲改正其梁城水經注作涼城當  
亦正字也而太平記亦書爲太平記定襄縣梁城東魏

梁城則譌已久矣始仍之郡也  
案恆州天平中寄治秀容所領八郡此郡  
別居定襄界其本治則在今甯遠廳也

舊通志定襄辨今之定襄古陽曲也漢高帝置定襄郡  
領縣十二曰成樂桐過都武武進襄陰武泉駱安陶武  
成武要定襄復陸後漢以故屬雁門之善無中陵與桐  
過武成駱隸定襄郡而以定襄縣改屬雲中郡建安時  
移陽曲於太原界乃於其故城置定襄縣隸新興郡晉  
改晉昌縣案地形志定襄有定襄城漢末所置之縣當在茂縣志古定襄城在馬家莊晉地理志晉昌郡領九原雲中定襄廣牧晉昌五縣一統志晉昌在定襄西北是也晉改晉昌郡非晉昌縣北魏定襄并雲中九原晉昌三縣來屬隋省入秀容唐武德初析秀容置定襄隸忻州貞觀十四年自朔州北定襄城移雲中置定襄縣永清元年移民於朔州開元二十年移雲州仍改定襄爲雲中縣屬雲中郡宋省入秀容後復爲定襄金元因之此定襄郡縣之始末也大抵古雲



中定襄地本相近古雲中在朔郡邊外古東勝州界定

襄在雲中東南魏定襄之盛樂背負陰山前帶黃河後

自雲中徙都平城卽今大同郡治雁門關外又有小平

城皆雁門郡地東南有參合陂則屬代郡

案參合陂非代郡之參合

縣唐徙定襄於雲中後改雲州亦卽今大同地他如唐

豐州之安樂成永濟柵大同川大同故城與古雲中地

近而與今大同相去數百里若指今大同爲漢雲中因

指今定襄以概古之定襄是一誤且再誤也夫定襄有

邵縣之分卽定襄縣亦南北屢遷漢書郡國志凡郡治

所在縣名必先書前漢定襄郡首善無在今朔州十三

州志所云舊定襄郡是也至漢定襄縣前屬定襄郡後

屬雲中郡今右玉西有故城卽故縣

案右玉縣之故城卽善無縣後漢定

襄郡治非定襄縣 大同忻州均非漢初定襄縣地忻州有新興

故城肆州故城今定襄縣有永安城撫城古陽曲城距

縣百里有古定襄城與魏地形志定襄注總合卽舊唐

書所云建安時於陽曲故城置定襄縣者亦爲有據大

同縣西北二十里有定襄城明一統志謂漢郡唐縣皆

治此按二漢郡治首盛樂善無不聞治平城若指此爲

唐貞觀中所置定襄縣後改爲雲中縣者則得之矣又

按唐書忻州析秀容置定襄意定襄旣改雲中而秀容

之析在其後歟今以二漢定襄郡所屬十二縣五城按

之近日郡縣歸化城近成樂朔州近善無右玉近桐過

五寨近中陵其餘則多在塞外

如武進有白渠水出塞外西至沙陵入河西都尉治武泉有荒千木出塞外西至沙陵入河西都尉治是也緣置新興郡後人民

四散雖漢末驅塞外民實之惠帝又遷宏農三千戶於此而自元魏時圖籍已多散失至於唐別置定襄都督府僑治朔朔領州四道通大同雲中此又在夏州塞外云

縣城 古城周二十五里縣城在古城內北隅周四里七十三步高二丈五尺東西南三門明嘉靖隆慶間增修高四丈池深一丈隆慶二年加修高四丈三尺池深二丈一尺閏二丈七尺萬曆元年重修西南門樓十三年修東西甕城門東曰保障曰輯甯南曰保泰曰宣平西曰慶成曰靖邊三十二年甃以甃石復增層樓五角樓各四舖屋二十五三十六年甃垣二百餘丈先後修復

國朝康熙四十二年南城圯知縣王時炯修之六十一年南

城復圮十五丈有奇知縣杜煥修之雍正三年知縣王會隆  
又修乾隆四十八年知縣徐攀桂六十年知縣王之屏先後  
增修

縣境 在州東少北五十里

東西廣九十里南北袤五十里

東至代州五臺縣界邊家莊七十里 西至忻州界北霍村  
二十里少南至忻州治五十里 南至太原府陽曲縣界岔  
口村二十五里陽曲縣治一百九十里 北至代州崞縣界  
橫道鎮三十里崞縣治一百四十里 東南到陽曲縣界砂  
嶺三十里到平定州盂縣治一百八十里 西南到忻州界  
蕭家莊三十五里康家會百八十里靜樂縣治二百三十里  
東北到五臺縣界河邊村三十五里五臺縣治八十里

西北到崞縣界南家村三十五里

鄉鎮

西鄉藍臺鎮二十里

北鄉受祿鎮五里

二十里

南鄉中霍

鎮

二十里王村集三十里

鋪遞

東路蔣村里

三十里

青石里六十里

西路留暉里

二十里

南路

中霍

二十里

北路上湯

在縣西芳蘭在縣東

三十里

舊鋪有王進

道徑

西經智村鋪十五里至忻州界北霍村二十里又二

十里至忻州孔道也南至陽曲縣界岔口三十里爲孟縣道

西經智村鋪至忻州界南霍村二十里爲會城道

靜樂縣

簡缺

漢太原郡汾陽縣地後漢末立秀容護軍於汾陽爲秀容地

北魏初置三堆縣真君九年併入平寇縣隸新興郡後入爾

朱氏爲梁郡岢嵐縣地又置嵐州北齊廢爲三堆戍隋開皇

三年移尙慮於三堆城十八年改爲汾源大業四年改靜樂  
縣於縣北八十里置樓煩郡隸焉唐武德四年改置管州  
治此又析置汾陽六度二縣五年曰北管州六年州廢又省  
二縣以靜樂隸嵐州又於縣南七十里置憲州本樓煩監牧  
嵐州刺史領之貞元十五年別置監牧使龍紀元年李克用  
表置州領樓煩元池天池三縣宋咸平三年二月置靜樂軍  
五年自樓煩徙憲州來治爲中州軍尋廢以樓煩改隸嵐州  
九年省天池元池二縣入靜樂熙寧三年州廢縣隸嵐州十  
年復爲憲州靜樂軍仍治靜樂縣政和五年賜名汾源郡金  
天德三年更名管州爲下刺史統靜樂縣興定三年升防禦  
隸河東北路元管州初置河北路都元帥府後爲下州隸冀  
甯路太祖十六年以嵐州之尙嵐甯化樓煩併入州至元二

十二年劉崑嵐入嵐州明省州為靜樂縣隸太原府置甯化守禦所於縣北八十里嘉靖十九年以甯化所隸甯武關

國朝因之雍正二年改隸忻州編戶舊三十里今七里

水經注汾水又南與東西溫溪合又南逕一城東憑墉積

石側枕汾水俗謂之代城又南出二水開其城角倚翼枕

汾流世謂之侯莫干城蓋語出戎方傳呼失實也汾水又

南逕汾陽縣故城東川土寬平峘山夷水地理志曰汾水

出汾陽縣北山西南流者也又南逕秀容城東魏土地記

曰秀容胡人徙居之立秀容護軍治東去汾水六十里

案漢水今碾河自城南西流入汾則代城侯莫干城皆當在

溫今縣西南境其汾陽秀容二城全在嵐縣界內矣注云川

土寬平峘山夷水與爾朱榮傳所言南秀容川原沃衍相

合縣與嵐相距僅六十里故縣南之天柱山狗張泉猶傳

為爾朱遺蹟而自秀容置郡後羣以肆州為南秀容嵐靜

又為北秀容矣三堆故城地志皆謂即今治則亦側枕汾

水者而鄆氏顧不徵及可知真君  
時此地已屬爾朱未嘗爲縣也

元和志嵐州靜樂縣

本漢汾陽地城內有堆阜三俗名三堆城開皇三年自今

宜芳縣北移岢嵐縣於此伏戎城在縣北八十里隋樓煩

郡所理也又後魏置嵐州因州西岢嵐山爲名也大業四

年於靜樂界置樓煩郡因漢樓煩爲名

案以唐志轉之嵐州治宜芳縣而宜

芳本隋大業所置之嵐城縣也故續通典謂嵐州治在靜樂縣以諸志核之後魏所置之岢嵐縣即今岢嵐州嵐州自今嵐縣又魏書爾朱兆傳兆弟智虎肆州刺史齊獻武王擒於梁郡岢嵐南山是岢嵐本屬梁郡也

太平記三堆城在縣南八十里

案真君七年併入平寇即此城在忻州界

方輿紀要樓煩城縣南七十里晉及後魏皆爲牧苑隋唐

亦爲監牧地舊唐書樓煩監先隸隴右節度使至德後屬

內飛龍使監城開皇四年王毛仲所築也貞元十五年始

別置監牧使中和二年李克用自達靼還據忻代州數爭



樓煩監龍紀初表置憲州云云今爲樓煩鎮有巡司戍守

案顧氏以爲漢樓煩縣誤漢故縣在甯武於隋樓煩郡爲近

縣城 宋熙甯間修周四里一百二十步高二丈南北二門穿穴西南以洩積雨明洪武四年增高三尺池二重各深五尺闊四丈景泰二年增城一丈池深七尺創闢東門嘉靖十八年復補葺之隆慶二年增城高三丈八尺厚五丈女牆悉易以甌重建南城門增置樓七臺二十六鋪一十九梁八百五十萬曆三十三年登以甌石南城旋爲山水衝圯次年北城復塌三十八丈皆經修復

捐修 國朝乾隆三十一年發款修同治七年知縣鄭邦勤集士民

縣境 在州西一百八十里

東西廣一百二十里南北袤二百五十里

東至忻州界牛尾莊九十里

縣志作至陽曲縣界小店鎮九十里

忻州治一百

八十里

西至太原府嵐縣界杜子溝村三十里

縣志作西至嵐縣界

馬房鎮西關泥村四十五里

南至交城縣界雁門村一百三十里

縣志作南至交城縣界雁門村一百三十里

至交城縣界雁門村一百五十里

少東至交城縣治三百一十里

北至甯

武縣界永安鎮北石家莊鋪六十里甯武縣治一百八十里

東南到陽曲縣界龍家莊九十里陽曲縣治二百里到交

城縣界交口村一百五十里西南到嵐縣界南溝村三十

里嵐縣治六十里到永甯州界獨石河黑黑崖一百五十里

東北到忻州界新開嶺六十里石大橋七十里到崞縣界

黃松溝一百二十里崞縣治二百里西北到崞嵐州界官

地村六十里到甯武府五寨縣界荷葉平山一百里崞嵐州

治一百二十里

巡檢司在樓煩鎮

鄉鎮 南鄉樓煩鎮 七十里

北鄉永安鎮 四十里

西鄉馬房

鎮 二十里

驛站 康家會驛 僻在縣東五十里東七十里至陽曲縣凌

井驛西一百七十里至奇嵐州永甯驛見額馬八匹馬夫四

名

鋪遞 東路娘子神 二十里 康家會 五十里 北路開柳 十里 永安

四十里 南路社干 十五里 西路三瑞 十里 舊鋪有冷泉順

牛欄開泥  
山底諸鋪

道徑 東至康家會五十里又至固鎮十里越兩嶺山又三

十里至陽曲小店鎮南經東大樹村灣子村豐嶺村凡五十

里又經樓煩村烽火村天池店凡八十里至交城孔河嶺界  
西由牛欄村道宏村馬房鎮雙柳樹村凡三十五里至嵐縣  
界鹿徑嶺北由閣柳永安至甯化潘家灣四十五里西至窰  
會村二十五里南溝村五里達嵐縣興縣孔道胥屬山徑

右忻州

代州

要缺  
衛繁難

分守雁平兵備道治所

禹貢冀州之域三代訖春秋並同太原府戰國趙句注塞所

在也秦太原雁門二郡境漢太原郡之廣武莽曰信桓獲人原平

慮虜及代郡之鹵城莽曰魯府五縣兼得雁門郡之陰館樓煩二

縣地太原都尉治廣武即今州西十五里之故城也後漢雁

門郡徙治陰館當句注陁北以廣武及鹵城改屬省獲人餘

如故建武中封郭涼於廣武爲侯國建安末徙平城縣於陘南別隸新興郡魏黃初元年又徙雁門郡治廣武領八縣平城原平並來屬永嘉四年劉琨表封單于猗盧爲代公以陘北地歸之徙馬邑陰館樓煩繁峙崞五縣之民於今州西界更立城邑而不置縣建興末地歸石勒其後前燕前秦西燕後燕迭有之太元二十一年入於北魏仍爲雁門郡天興初屬司州太和十八年改隸肆州領原平廣武二縣宣武帝移郡治原平孝明帝復徙治廣武東古上館城後周大象元年自九原徙肆州來治隋開皇五年廢郡改代州置總管府十八年改廣武爲雁門縣大業三年總管府廢仍置雁門郡領雁門繁峙崞五臺靈邱五縣唐武德四年平劉武周置代州總管統代忻蔚三州五年廢總管六年復置統代忻蔚朔四

州貞觀四年又督靈州

舊唐書袁守記並  
同當是雲州之誤

六年又督順州十

二年省順州以州之懷化縣來屬尋廢天寶元年改置雁門  
郡隸河東道管兵四千入領雁門五臺崞繁峙唐林五縣雁  
門爲上縣乾元元年復爲代州中和二年更大同節度治雁  
門三年賜爲代北節度五代唐晉漢並設防禦周顯德元年  
置靜塞軍尋復屬北漢仍置雁門節度宋爲上州置雁門郡  
防禦領沿邊安撫司兼轄麟府二州兵馬統雁門五臺崞繁  
峙四縣隸河東路金爲中州隸河東北路天會六年置震武  
軍節度使貞祐二年四月僞置西面經略司七月割朔州廣  
武縣來屬八月經略司罷隸太原元帥府元罷軍隸太原路  
中統四年省雁門縣入代州至元三年於忻州置九原府以  
州往隸尋廢府復隸太原路大德九年改太原爲冀甯路仍

隸焉明洪武二年改代縣七年置振武衛八年縣復爲州隸太原府領五臺繁峙崞三縣十二年置雁門守禦所成化二十三年設雁門道駐州城嘉靖中改雁平道

國朝因之雍正二年改爲直隸州四年併衛所入州編戶舊四十一里今同領縣三

五臺縣 崞縣 繁峙縣

日知錄春秋時代未通中國趙襄子乃言從常山上臨代代可取也正義曰地道記云恆山在上曲陽縣西北一百四十里北行四百五十里得恆山岌號飛狐口北則代郡也水經注引梅福上封事曰代谷者恆山在其南北塞在其北谷中之地上谷在東代郡在西此則今之蔚州乃古代國項羽徙趙王歇爲代王更立陳餘爲代王漢高更立

劉仲爲代王皆此地也十年陳豨反十一年破豨立子恆  
爲代王都晉陽則今之太原縣矣孝文紀則云都中都而  
文帝過太原復晉陽中都二歲又立子武爲代王都中都  
則今之平遙縣矣又案衛綰代大陵人大陵在文水縣而  
屬代代都中都故也代凡三遷而皆非今代州今代州之  
名自隋始 閻百詩曰漢光武以盧芳爲代王居高柳高  
柳故城在雲州定襄縣晉愍帝以猗盧爲代王城盛樂爲  
北都後故平城爲南都拓跋珪爲代王都雲中在朔州北  
三百餘里後徙都平城置代尹是代尙有四不僅如顧氏  
所云三遷也以上晉州志後周宇文達封代國公大象元年詔  
後魏道武所都之雲中即猗盧所居之盛樂非漢雲中城  
水經注言之甚詳是閻氏所云四遷實止三地蓋以宇文  
之上黨可云前後七遷也又志謂代郡凡五徙西漢治桑  
乾東漢治高柳晉治古代後魏治平城隋初治馬邑也亦



不可不知

州志魏地形志肆州領郡三雁門郡縣二原平有陰館  
城樓煩城廣武城龍淵神亞澤神廣武有東西二平原  
案原平本漢舊縣故城在崞縣南四十里元魏時初爲  
秀容縣地亦見地形志若此原平據志有陰館三城龍  
淵二神龍淵即龍泉字記在雁門縣西北亞澤即崞  
池秦文成傳花書爲亞駝也陰館故城在州  
西北西十里崞縣故城在崞縣東十五里皆劉琨所徙  
置晉南者一統志並謂爲漢縣非廣武故城在州西十  
五里其地並在今州境則卽爲郡治之上館城無疑其與  
漢縣同名者據元和志後魏宣武帝移雁門郡理崞縣  
意其時宣武於今崞縣北別立原平縣崞縣時爲石城  
縣屬秀容郡漢  
原平又在其南徙雁門郡治之後十餘年明帝復東徙  
故知非一地

於上館而上館遂亦名原平廣武縣適居其中故地形

志廣武有東西二原平也

今本削爲平原張黎傳同又段霸傳云雁門原平人世居

廣武城亦可證

至高齊時併省北魏浮置之郡縣復改爲一縣

統名廣武元魏地制最爲紛紜魏收據武定亂後之籍隋志又兼志五朝並多疏略而酈道元水經注復佚淳沱一卷幸賴元和志寰宇記二書遺文可盡得其概耳

又案地形志東燕州有偏城郡領廣武沃野二縣東夏州有偏城郡領廣武沃野二縣東燕州在今順天昌平州東夏州在今陝西延安府皆元魏浮置僑立之郡縣通志誤辟入謂又於此置偏城郡殊混考晉自永嘉後中原喪亂國土虜裂流民遺徙多成聚落爲僑置郡縣之始其見於南宋州郡志者南兖州有雁門郡領樓煩陰館本作觀廣武崞馬邑五縣地在盱眙爲永初時所

僑立元嘉中改屬南徐州又以樓煩三縣併入南東平郡大抵皆北人隨晉南渡者流寓本無定憩故至劉宋猶未爲土著其人物見於史者如南齊解叔謙雁門人實則居於彼土者數世矣

州城 古上館城也明洪武六年甄玘周圍八里一百八十五步高三丈五尺池深二丈一尺門樓四角樓亦四舖舍五十四門外皆有月城亦建重樓南無關東西北三關舊爲土城萬厯中並毀以甃石

國朝光緒四年西城稍圯署知州杜崧年修復

州境 在省治東北三百二十里

東西廣三百八十里南北袤二百四十里

東至大同府靈邱縣界二百二十里 西至甯武府甯武縣

界一百七十三里 南至平定州孟縣界二百二十里 北至大同府山陰縣界一百二十里 東南到直隸正定府平山縣界二百四十五里 西南到忻州界一百四十里 東北到大同府渾源州界一百九十里 西北到朔州治一百四十里 自州治至

京師七百七十里

本州境 東西廣九十五里南北袤一百九十里

東至繁峙縣界西留屬村四十五里少北至繁峙縣治六十里 西至崞縣界班聶村三十里炭峪村五十里 南至五臺縣界楊林嶺七十里上莊村八十里 北至大同府山陰縣界水峪口堡六十里至山陰縣界龐家堡一百一十里山陰縣治一百二十里 東南到繁峙縣界東峩谷五十里五

臺縣治一百四十里 西南到崞縣界孫障村三十里崞縣  
治六十里 東北到繁峙縣界門家寨五十里風水嶺六十  
里到大同府應州治一百四十里 西北到崞縣界李家臺  
三十里到朔平府朔州界廣武城六十里 州志西北至李家  
臺三十五里接崞  
縣到朔州治一百四十里

巡檢司在廣武鎮

邊牆 內邊西起崞縣界水勤口東至馬蘭口入繁峙縣界  
經州北境九十里

鄉鎮 東鄉峩口鎮 五十里 聶營鎮 三十里 西鄉陽明堡 二十里

北鄉廣武鎮 六十里 張家莊集 八十里

驛站 雁門驛 次衝 在州治東南一百里至崞縣原平驛東

一百二十里至繁峙縣沙澗驛北六十里至廣武站見額馬

二十九匹馬夫十四名半遞運所夫三十名

邊站 廣武站 次衝 在廣武鎮北六十里至山陰縣山陰驛

見額馬三十一匹馬夫十五名半廠夫三十三名

舖遞 總舖在城 東路十里舖二十里舖棗林 三十里 楊興

四十里 西路柏林 七里 陽明堡 十五里 班政 三十里 南路网上 五里

峪口 十七里 探馬石 四十里 韓家 五十里 北路大東溝 十里 南口 二十里

里 膠溝 三十里 嶺底 四十里 後腰 五十里 舊舖有平城磨房在 州東試刀石廣武老羊寨在州

北

道徑 東經平城堡磨房堡二十里舖棗林舖凡五十里至

西留屬繁峙界西經七里舖陽明堡三十里至班政舖醇縣

界北經試刀嶺舖大東溝胥十五里入山越雁門關經廣武

堡張家莊陸家莊老羊寨凡一百十五里至龐家堡山陰界

晉山間孔道而雁門南北四十里尤爲危險東越滹沱河經  
葷營村四十里至峩口繁峙界南越滹沱河經崗上村灘上  
村七十里至羊嶺底五臺界西南越滹沱河經太峪口塔馬  
石三十里至韓家灣五臺界爲山徑

五臺縣

附錄

漢置慮虜縣隸太原郡以水爲名也晉爲匈奴北部劉虎所  
居北魏太和十年復置縣而謫慮虜爲驢夷隸新興郡永安  
中隸永安郡北齊改屬雁門郡隋大業二年改五臺縣因山  
爲名隸雁門郡唐中隸代州宋中下仍隸代州金貞祐四年  
三月升臺州隸河東北路元初置清涼軍尋廢至元三年隸  
九原府府廢仍隸冀甯路明洪武二年改五臺縣八年隸太  
原府代州

國朝因之雍正二年直隸代州編戶舊三十四里今二十里  
五臺新志漢晉春秋建安二十一年居匈奴北部於新  
興後魏書鐵弗劉虎傳虎北部帥劉猛之從子居於新  
興慮虜之北築此則慮虜在曹魏已屬新興爲劉猛所  
居非沿兩漢屬太原之舊

方輿紀要晉永嘉四年虎爲劉琨所破餘衆西渡河居劉聰以虎爲宗室封樓煩公或以爲山西忻州之肆慮

縣城 元魏時建東南臨慮虜河斷崖西面通垣北據崖爲垣周三里二十步南北西三門明正統十四年展築隆慶四年建南北二城樓外築護垣萬厯二十四年增修大垣高三丈二尺厚二丈五尺甃甃堞口六百三十五敵臺二十五三十二年發以甃石增修城樓門各題石南曰大安西曰恩綸



北曰福甯東無門樓曰起鳳

國朝康熙元年知縣樂繼祖因屍河衝裂東北垣倡捐重修增設角樓揚瓊枝記康熙二十二年城復頽圯知縣周三進加修復於北門甃城後捐金易民地一百三十三丈鑿石疏渠以通水潦陳之美記

國朝乾隆三十一年知縣王家正領款重修

縣境 在州東南一百四十里

東西廣二百七十里南北袤一百四十里

東至直隸正定府阜平縣界長城嶺一百四十七里阜平縣治二百四十里 西至崞縣界榆車嶺六十里少北至崞縣治一百四十里 南至平定州孟縣界牛道嶺八十里少東至孟縣治一百九十里 北至繁峙縣界瓦廠梁一百里

東南到直隸正定府平山縣界黑山關九十里奉山縣治二  
百七十里 西南到定襄縣界芳蘭鎮六十五里定襄縣治  
一百里 東北到繁峙縣界東城嶺一百里 西北到代州  
界西峽嶺八十里代州治一百四十里

道檢司在臺懷鎮

鄉鎮 北鄉臺懷鎮一百二里 寶村鎮五十里 南鄉東冶鎮三十

里 柏蘭鎮五十里

舖遞 總舖在城 北路王村三十里 下莊三十里 楊嶺四十里 龍王

堂五十里 馬橋六十里 石家七十里 岡上一百里 南路西村里十里 東冶

三十里 河邊四十里

道徑 北踰楊林嶺由代州峪口達州城又由寶村鎮取道  
東行至臺懷鎮爲臺山術途南出東冶鎮渡渚沱入定襄界

以達會城東經土峪入射虎川至龍泉關以達 京師雖名  
孔道實皆山徑也

崞縣

簡隸  
衝繁

漢置崞縣隸雁門郡在句注陘北今縣漢太原郡之原平縣  
及廣武縣地也後漢二縣亦改隸雁門郡建安末徙置雲中  
縣於原平南界別屬新興郡晉原平縣仍隸雁門郡永嘉末  
陘北地入代劉琨徙崞樓煩五縣之民於廣武原平界立城  
邑以居之是爲陘南有崞縣之始北魏改崞曰崞山隸繁峙  
郡仍治陘北又移原平於廣武縣境別置縣雁門郡嘗移治  
之永興二年於秀容郡界置石城縣是爲今治立縣之始始  
光中於其西境置敷城郡真君七年改縣與石城並屬秀容  
郡又併雲中入定襄仍屬新興郡永安中改隸永安郡而南

境之漢原平故城時則爲秀容縣地東魏天平二年徙繁時郡並所領崞山繁時二縣寄治秀容界是爲今縣名崞之始武定中又立廓州治郭城在敷城界領廣安永定建安三郡又立武州治齊郡在雁門川領吐京齊郡新安三郡北齊改廓州爲北顯州武州爲北靈州後周並廢隋開皇十年自定襄移平寇縣治石城又置銅川縣大業二年始改平寇曰崞縣其時銅川亦廢入五臺及縣十二年又徙繁時來治武州故城並隸雁門郡唐崞縣中隸代州武德七年僑治蔚州於繁時八年徙其後繁時亦東徙地仍歸崞貞觀五年以結思部落置懷化縣隸順州十二年改隸代州後廢今縣西南之懷化村也證聖元年析縣地及銅川故縣置武延縣唐隆元年改曰唐林五代初改白鹿後唐同光二年復舊石晉改廣

武後又復舊今縣南境之唐林岡也宋景德二年廢唐林入縣仍隸代州金因之元初置崞山軍太祖十六年升為崞州至元三年隸太原府廢仍隸冀甯路明洪武二年改州為縣八年隸太原府代州置太原左衛前衛於縣西境其後又置甯武八角二守禦所復於甯武置關別為鎮不復隸縣

國朝因之雍正二年直隸代州編戶舊三十五里今二十里

地形志肆州秀容郡領縣四秀容永興二年置有秀容城

原平城石鼓山案石鼓山在縣南四十五里原平城東一名天涯山石城永興二年

置敷城始光初置郡真君七年改治敷城有石谷山唐志

有石門關太平記又廓州武定元年置治肆州敷城界郭

城領郡三太平記崞縣後魏為石城縣東魏曾置廓州於

三郡以領軍戶後齊省郡又立北原州案隋志廓州治山

城山城崞作崞山城或郭山城說郭字耳據地形志繁時

城則唯在縣西兼今市武府境又武州武定元年置治

雁門川三年始立并城領郡三吐京郡縣二吐京新城詳

府下齊郡州治領縣二昌國安平新安郡不領縣太平記

在北齊政日北顯州案方輿記要謂齊郡即後魏之平齊

郡是也平齊郡本在句注陞北之故陰館城以居齊齊士

望武定又移置經南馬武州治故所領二縣府製齊齊之

縣名地在代州西六十里則為崞縣北境隋大

業中業時徙治唐武德中崞州僑治並在此城

州志寰宇記謂後魏置梁城繁時二郡於州西故廣武

城此不甚確地形志恆州郡縣寄治秀容郡則當在今

忻州崞縣界考崞縣南六十里有板寺村為古唐林縣

地石晉時曾改唐林為廣武宋初廢疑板寺即繁時之

訛元魏時僑治之郡當在彼故猶存其名耳觀寰宇記

於定襄縣又云梁城東魏郡也而地形志繁時郡治崞

山縣則二郡一僑治於定襄一僑治於唐林皆元魏之

秀容地樂史宋人偶誤以石晉之廣武爲雁門之古廣

武城秦襄宇記引隋圖經云源沁水又經繁時後城西

在岡南二里也云又西南入樓煩郡秀容界此在今忻

口鎮云又還入時界此在今定襄北之朔川口時銅

川省入崞縣也云又人秀容界東北入五臺此即今定

襄北川五臺南川時定襄省人秀容也圖經成於大業

十二年以前時繁時尙未徙治武州則所云故城即東

魏僑治之城無疑此村介二水間地形宛然不徒名稱

相合也至十二年徙治武州又在崞縣之北去此故城

約八九十里而時志於繁時下云有長城漳沱水瓜水

唐山瓜水疑卽沙河與麻山並在崞縣南是當時縣南

北境全爲繁時地恐係史文之疏誤合武州城及繁時

故城爲一也

縣志雲中故城在縣西南七十里蘆板寨懷化故城在

縣西南六十里懷化村秦隋唐以前縣南境皆秀

鄉在縣東凡七十一村容地故地志係之忻州

銅川

縣城 元末因舊城被築明景泰元年修萬曆二十七年甃  
致三十二年重修

國朝順治六年雨損南北城知縣范印心重修周圍四里十  
三步連女牆高四丈有奇池深三丈周圍俱築捍水臺門樓  
四懸樓二十五敵臺二十一每臺舖舍各三間角樓四門東  
曰臨沱南曰景明西曰保和北曰甯遠雍正七年知縣劉澤  
民修之同治七年知縣萬啟鈞又修

縣境 在州西南六十里

東西廣一百九十五里南北袤一百五里

東至五臺縣界小嶺八十里 西至甯武縣界莊窩村一百  
十五里 南至忻州界土堡一十五里 北至代州界陽明  
堡四十里 東南到忻州定襄縣界七十里到五臺縣治一



百四十里 西南到忻州界八十里忻州治一百里 東北到代州界三十里到繁峙縣治一百二十二里 西北到朔平府朔州界八十里到甯武縣治一百十里

邊牆 內邊西起甯武縣界石匣溝東至炭峪溝入代州界經縣北境二十五里

鄉鎮 南鄉原平鎮四十里西鎮三十里宏道鎮一百三十里西鄉

軒岡鎮八十里

驛站 原平驛次衝在原平鎮南八十里至忻州九原驛北

一百里至代州雁門驛西四十里至關泥驛見額馬二十六匹馬夫十三名麻夫三十名 關泥驛僻在縣西南七十里

西八十里至甯武縣甯武站見額馬九匹馬夫四名半

舖遞 南路南陽里二十里北賈里二十里武延里三十里原平里四十里唐林里十五里

里 北路王東里二十班政里三十 西路石封里三十陽武里四十

陶泥里七十軒岡里八十榆灣里九十

道徑 西經柏枝山柳坡泉背二十五里又至莊窩村一百十五里抵清武縣南至十堡十五里又一百二十里至忻州北至陽明堡四十里抵代州六十里孔道也而唐林岡尤係通衢爲三關要路

繁峙縣

前缺

漢置葭人縣隸太原郡其東境爲鹵城縣隸代郡後漢省葭人入鹵城晉復省鹵城入葭人並屬雁門郡後魏爲廣武縣東原平地歷齊周皆不置縣其漢雁門郡之繁峙縣在句注陁北晉永嘉四年陁北地入代始徙陁南莫詳所在後魏復治陁北爲繁峙郡天平二年復南徙並所領崞山繁峙二縣

寄治秀容皆非今縣地隋開皇十八年始置繁時於今縣東六十里大堡戍隸代州大業二年罷州置雁門郡縣仍隸焉十二年移治於郡西之武州城卽後齊北靈州故治也唐聖歷二年復東徙於今縣南故城隸代州爲中縣五代北漢於縣東南建寶興軍地屬五臺山寺宋平河東因之後省入縣爲寶興砦仍隸代州爲下縣金貞祐二年九月升爲堅州隸太原府元初置永定軍至元三年以州隸九原府尋隸冀甯路明洪武二年改繁峙縣謁時爲峙八年隸太原府代州萬歷四年自滹沱河南移縣於今治

國朝因之雍正二年直隸代州編戶舊十九里今九里

州志二漢醇繁時並屬雁門郡據水經注在今應州之東滹源之西爲桑乾河所經地自劉琨徙五縣之民於

陘南而關以北惟存故城自元魏僑置郡縣於肆州而  
隋以後遂在今治代有更革地異名同而地志猶仍其  
故稱書爲漢縣疎矣

縣城 明萬曆十四年建周四里高三丈五尺池深一丈五  
尺東西南三門上各建樓東曰和豐西曰安阜南曰純簡  
國朝順治八年知縣張志高修康熙十年知縣齊士琬再修  
加高五尺連梁口迺高四丈乾隆三十一年知縣載一仁領  
款重修光緒四年知縣何才价又修

縣境 在州東六十里

東西廣一百五十里南北袤一百六十里

東至大同府靈邱縣界平刑營一百三十里石橋澗一百三  
十五里 西至代州界東留屬村十五里代州治六十里

南至五臺縣界大名煙八十里華嚴嶺一百里五臺縣治一百五十里北至大同府應州界茹越堡六十里應州治一百里東南到直隸正定府阜平縣界韓家莊一百五十里西南到五臺縣界峩嶺八十里到崞縣界七十里東北到大同府渾源州界太安嶺一百三十里渾源州治二百二十里西北到大同府應州界馬蘭口六十里大同府山陰縣界胡峪堡六十里山陰縣治九十里

巡檢司在平刑關

邊牆內邊西起代州界馬蘭口東至凌雲口入大同府渾源州界經縣北境八十里又北起團城口南至韓家莊入直隸阜平縣界經縣東境六十里

鄉鎮

東鄉沙河鎮

六十里

大營鎮

一百里

平刑關

一百三十里

驛站 沙洞驛 驛 在沙河鎮西一百二十里至代州雁門驛

東七十里至平刑站見額馬十二匹馬夫六名

邊站 平刑站 驛 在平刑關東七十里至靈邱縣太白驛見

額馬十二匹馬夫六名

舖遞 總舖在城 東路花巖 二十里 永興 三十里 沙河 六十里 金

山 八十里 孤山 一百一十里 平刑 一百三十里 西路揚興 十五里

道徑 沙澗驛東接平刑站東北接靈邱太白驛此孔道也

苦北六十里至茹越口東北八十里至大石口小石口東北

一百一十里至北樓城此孔道而寶峻山崇壁險道也太小

石口尤名天險若西北六十里至馬蘭口東一百里至郎嶺

關西南至東成嶺南至西瓦廠東南至峩嶺此爲山徑小道

石代州

保德州

中缺  
街繁

禹貢冀州之域三代訖春秋並同太原府古呂梁洪所在也  
戰國爲樓煩地趙武靈王略地西至河併有之漢屬西河郡  
爲宣武莽曰武車武桓莽曰武桓二縣地後漢省魏晉地悉曠廢北魏  
爲北秀容之西境後置嵐州又置岢嵐縣地在界內北齊天  
保七年築長城起西河總秦戍卽今州也隋樓煩郡地唐隸  
嵐州宋高化四年析置定羌軍同下州景德元年改保德軍  
金下刺史大定十一年置保德縣隸焉二十二年升爲州元  
光元年六月升防禦元憲宗七年省保德縣至元二年省陝  
州及河西芑州入州三年又併岢嵐軍入焉四年割岢嵐別  
隸管州明洪武七年改爲縣九年復爲州隸太原府宣德中  
置守禦於州城

國朝因之雍正二年升爲直隸州析太原府河曲與縣來屬八年仍析興縣隸太原府編戶舊五里今同領縣一

河曲縣

水經注河水左合一水西流歷於呂梁之山而爲呂梁洪司馬彪曰呂梁在離石縣西今於縣西歷山尋河並無過

岨至是乃爲河之巨險卽呂梁矣在離石北以東可二百

有餘里也

案今天橋峽在州北三十五里河曲縣界南去永甯州約四百餘里道元蓋指離石山言之卽

今之赤堅嶺也在永甯北百八十里

太平記秀容川南接肆州西限大河

北接朔州東西六百里南北四百餘里

詳見前武府

又嵐谷縣

古長城從東北朔州界入本縣界六十里北過西九十里

入嵐州合河縣界

方輿紀要北齊天保七年自西河總秦戍築長城東至於



海明年又於長城內築重城自庫洛枝東至隴紇成凡四

百餘里

案北史武定元年高歡築長城於肆州西自馬陵東至比陘高齊所築之城不出今嵐靜河保顧氏

以諸成在大同府西北非

天下郡國利病書保德州長城自州南偏

橋村西抵黃河南接興縣八十里

案偏橋在州南十五里

舊通志保德界辨據舊志宋置保德軍尋立爲州管五

里與西河麟府豐三州相爲表裏以控制夏人屬河東

道元初隸府州卽陝西府谷縣至元間乃併隴芭二州

入焉是元時之保德有河曲兼有河套直跨陝之北境

、不僅轄河以東也明改州爲縣後復改爲州隸太原府

今改直隸州專轄河曲州西北境與府谷神木相直河

界其中

案芭州故城在府谷縣東北九十里

州城

宋淳化四年置定堯軍始築金大定二十一年以西

南城臨溝易圯退數武築木瓜崖廣五步袤一百七十步創開西門元至正間重修明永樂十一年加修宣德八年增修周七里二百五十步高一丈八尺西南各一門東北西北各一角門各建樓於上高鋪六十四宏治間改築三溝城於堰口下用石甃分城中水爲四渠嘉靖三十年於城下鑿石成渠導水順流並修葺門垣女牆四十二年移建西門萬曆二十九年甃營高三丈五尺長一千九十三丈六尺題其額東曰迎恩西曰阜成南曰南薰北曰鎮朔四十一年雨圯四十餘丈修之

國朝順治六年燬毀西南城八十餘丈知州安世鼎重修差宗呂記康熙六年知州張光岳二十四年知州高起鳳先後修葺三十七年雨圯六十餘丈知州唐文德重修四十六年

知州王克昌加修 南關土城周一里明崇禎間修今圯

州境 在省治西北四百六十里

東西廣二百三十里南北袤七十五里

東至甯武府五寨縣界分對坡一百二十里 西至太原府  
興縣界谷團塢一百一十里 南至太原府崞嵐州界科局  
村七十里 北至陝西榆林府府谷縣界黃河岸一里 東  
南到崞嵐州石佛河界一百六十里 西南到興縣界北會  
村一百里 東北到甯武府偏關縣關河界一百八十里  
西北到府谷縣界黃河紫家窰渡三十里 自州治至  
京師一千七百一十五里

本州境 東西廣八十里南北袤一百四十里

東至河曲縣界高地校四十里 西至陝西榆林府府谷縣

界韓家川渡四十里州志西至神木一百六十里南至興縣界合塔鋪

九十里州志南至蒼水山一百一十里北至府谷縣界黃河一里府谷縣

治三里東南到岢嵐州治一百七十里西南到興縣界

馮家川九十里黑峪口一百六十里到榆林府神木縣界鎮

羌堡八十里州志西北永興堡一百二十里州志西到神木縣治一

百十五里州志西東北到河曲縣界天橋鋪三十五里河曲

縣治一百三十里舊志東北自鐵匠鋪論河出府谷西至木瓜圍堡四十里至清水營七十里至黃甫

州志西西北到府谷縣界紫家窰渡三十里

鄉鎮東鄉桑園集二十里南鄉石塘集四十里西南鄉下

川坪集六十里八樓溝集八十里馮家川集九十里

塘站年延站舊塘在州東三十里東四十里至河曲縣沙

泉站三十里至紅崖腰站西四十里至東關站東關站舊

塘在城內南街西達陝西府谷縣二塘各設馬十二匹馬夫六名

舖遞

東路鐵匠

二十里

南路下流磧

二十里

石堂

四十里

土門

六十里

寺合塔

九十里

東南路石窰子

四十里

大塔

六十里

道徑

東由念塢村至高地稜山二十里至三岔堡一百四十里從此過雁門關由紫荊關直達

京師南經大塔舖抵

崑嵐州界七十里過水峪觀由三道梁至崑嵐州一百七十

里直抵太原府孔道也北至黃河岸一里渡河抵陝西府谷

縣界西至楊家灣紫家窰胥二十里下川坪三十里又馮家

川窟龍塢胥二十里抵興縣界小徑也沙梁陡坡路多崎嶇

河曲縣

簡缺

漢西河郡宣武縣地北魏北秀容之西北境隋唐並與州同

五代北漢置雄勇鎮隴州宋太平興國四年於鎮南二十里建火山軍取軍東火山爲名也治平四年於軍置火山縣尋廢舊鎮偏頭砦當遼界熙甯中地析入遼與遼之武州以下鎮砦爲界金貞元二年始置河曲縣隸軍大定二十二年升軍爲州後更隴州隸河東北路興定二年九月改隸隴州節度四年徙治黃河灘許父察元至元二年省州縣入保德州明洪武二年仍置河曲縣六年省十四年三月復置隸太原府舊於縣北置太原左衛右衛其後建偏頭關與關東之老營堡並置守禦所別屬山西鎮

國朝因之雍正二年改隸保德州乾隆二十九年徙治河保營編戶舊七里今同

太平記火山軍在嵐州火山下火山在軍東四十里軍境

南至奇嵐軍一百六十里西至黃河七里北至雄勇鎮二  
十里西南至定羌軍七十里至府州五十里 宋志火山  
軍砦一下鎮舊領雄勇偏頭董家橫谷桔棹護水六砦慶  
厯初置下鎮砦嘉祐六年廢偏頭砦案宋軍治以太平記  
南四十許里去舊縣爲近也下鎮砦不詳所在據遼史保  
大四年金人割下砦以北陰山以南二千里之地界夏則  
當時遼宋盡疆自砦而分砦以北爲遼  
地當在今縣東北偏關界關河以南矣

謹案西河郡三十六縣跨河左右其郡治之平定都  
尉治之美稷以水經注核之在今鄂爾多斯左翼前  
旗於河保爲近當在所隸近代地理家謂武車宣武  
二縣在州境姑從之較舊志所云古林濩寨者尙非  
渺無稽也據後書南匈奴傳永元六年匈奴帥逢侯  
叛遣行車騎將軍鄧鴻等討之時南單于及中郎將

杜崇屯牧師城逢侯將萬餘騎攻圍之未下冬鄧鴻等至美稷逢侯乃乘冰度隘向滿彝谷云云舊志謂牧師城在汾州蓋卽本此然乘冰度隘自合在天橋一帶因牧師城在河東而謂美稷與郡治同時南徙宜爲戴氏所糾也今亦未敢輒定爲在今州特附其說洵自光武居南單于於西河三十六縣省爲十一其後魏武分處五部石隰以北遂別一區字以拓跋之強不能戡定而爾朱氏以秀容酋長卒倚之以覆魏祚然嵐州之置實始爾朱隋唐以來山岨益闢至宋直爲控臨遼夏之要疆矣

縣城

舊河保特卽灰溝營也明宣德年建

國朝乾隆二十九年展築周三里八步高三丈六尺門三南



日南薰東曰賓陽西曰靖遠上各建樓同治八年知縣金福  
增重修建舖屋十四甃贅南甕城改題東門曰迎旭西門曰  
慶成

縣境 在州北少東一百三十里

東西廣一百二里南北袤一百八十里

東至甯武府五寨縣界對坡村一百里又至下莊村一百五  
十里至五寨縣治二百十五里 西至黃河岸陝西榆林府  
府谷縣界二里 南至保德州界朱家村一百三十里至太  
原府寺嵐州界石佛河舖一百七十里至寺嵐州治二百五  
十里 北至甯武府偏關縣界關河五十里至偏關縣治八  
十里 東南到寺嵐州界長流溝一百七十里 西南到保  
德州界西莊村一百里保德州治一百三十里 東北到偏

關縣界西溝七十三里 西北到黃河岸蒙古界三里

兼管鄧爾多斯左翼前旗地東西廣八十里南北袤一百六

十五里 東至河與偏關縣兼轄地界 西至陝西府谷縣兼

總兼轄地界 南至河與府谷縣邊牆界 北至托克托

人牌凡一百二十四村  
巡檢司在舊縣城

鄉鎮 南鄉舊縣集 七十里 巡檢司集 三十里 東鄉樺林堡 十六

里 樓子營 二十里

塘站 沙泉站 新塘 在縣東南百二十里西四十里至保德

年延站東二十里至李家溝站見額馬三十二匹馬夫十六

名 李家溝站 舊塘 在縣東南一百四十里東二十里至五

寨縣韓家樓站見額馬三十二匹馬夫十六名 紅崖站 新

塘 在縣東一百一十里西三十里至年延站東十里至沙泉

站見額馬十匹馬夫五名

舖遞

總舖在舊城東

南路舖溝

九十里

壕子塢

一百六十

石

佛河

一百七

北路西溝

八十里

舊舖有天橋柏樹塢

道徑

南經唐家會五花城踰石梯隘至舊縣城凡七十里

又二十里至舖溝入保德州界東經焦尾城樓子營樺林堡

凡三十里又十五里至關河口入偏關縣界其故道則由舊

縣東六十里至沙泉驛又四十里至五寨界由沙泉南至石

佛河四十里又十里至岢嵐界雖名孔道亦險溝曲徑不易

行也

右保德州

以上雁平道三府三州

山西通志卷二十九